



CONCELLO DE BOIMORTO (A CORUÑA)

Rúa Vilanova, 1 - 15817 BOIMORTO

Teléfono: 981 516 020 - Fax: 981 516 045

E-mail: correo@boimorto.es

Web: www.concellodeboimorto.es

BASES DE PARTICIPACIÓN E ESTABLECEMENTO DE PREMIOS DA II EDICIÓN DA RUTA D`TAPAS ENTROIDO CON PREMIO EN BOIMORTO

1. Concepto

A II Edición da Ruta d´ Tapas Entroido con premio en Boimorto, está organizada polo Concello de Boimorto. Terá lugar durante os días 25, 26, 27 e 28 de febreiro de 2017.

2. Participantes

Poderá participar na ruta calquera establecemento de hostalería que exerza legalmente a súa actividade en Boimorto e que elabore as súas propias tapas relacionadas coas comidas de Entroido, e o comunique o Concello. A tapa deberá ofrecerse durante todo o horario habitual de “tapeo”, será obrigatorio ofrecela de sábado día 25 a martes día 28 de febreiro de 2017.

3. Desenvolvemento

O Concello de Boimorto facilitará os establecementos de hostalería participantes os cartóns que deberán entregar ós seus clientes, para estes cumprimentar cos seus datos persoais, e cada vez que sirvan unha consumición deberán selarlle o cartón no lugar que corresponda o seu establecemento. Así mesmo cada establecemento contará cunha caixa pechada para que o cliente poida depositar o seu cartón unha vez totalmente selado.

Os bares deberán suxerir o cliente que sele o cartón.

Os establecemento de hostalería participantes comprométense a servir durante os días que dura a ruta tapas relacionadas co Entroido así como caracterizarse e decorar o seu establecemento coa temática do Entroido.

Poden participar nesta ruta todas as persoas que queiran, deberán recoller nos establecementos de hostalería o seu cartón, e visitar todos os establecementos que están inscritos na ruta, o cartón entregárase no último onde consuman e terá que estar debidamente selado.

O mércores día 1 de marzo de 2017, o Concello recollerá dos establecementos de hostalería participantes todas as caixas cos cartóns. O xoves 2 de marzo de 2017 as 12:00 realizarase o sorteo, publicamente para coñecer os gañadores. Contarase con dúas urnas, nunha estarán as papeletas debidamente cumprimentadas, e noutra o establecemento no que debe gastar o vale; irase extraendo aleatoriamente unha papeleta de cada urna para saber onde ten que facer o gasto a persoa que resulte elixida.

O Concello contactará cos premiados para comunicarlles que saíron premiados.

4. Vales

Vales por un valor total de 570€ (30€ cada vale) para gastar nos seguintes establecementos de Boimorto: Supermercado Toñito, Cardelle Muebles, estanco, pescadería, frutería, Autoservicio Vidal, Aliprox, Bazar Lourdes, Josmer, Electrodomésticos Fraga, Enrique Rey, O Forno da Aldea, Mercería Merche, perruquerías (3), Ferr Cruce, Comercial Boimil e gasoleira. So se admite un vale por cada persoa participante.

O gasto deberase realizar antes do 24 de marzo de 2017, o establecemento participante deberá emitir unha factura a nome do concello, así mesmo a animadora sociocultural elaborará un informe no que conste os datos da persoa que ten dereito a efectuar o gasto e o establecemento no que lle corresponde facelo.

5. Publicidade

O Concello comprometese a darlle publicidade e difusión a Ruta D'Tapas Entroido con premio en Boimorto.

Boimorto, 20 de xaneiro de 2017

Animadora sociocultural

Asdo.- Yolanda Barreiro Garea